

**ՀԱՅԱՍՏԱՆ**   
ԳԱՆՆԵՔ

**№17** **ՆԱԽԸՆՏՐԱԿԱՆ**  
**ԾՐԱԳԻՐ**

*Միասին*  
**ԿԱՐՈՂ ԵՆՔ**



Պատվիրատու՝ «Հայաստան» կուսակցությունների դաշինք, Տպարանակ՝ 500  
Տպագրող կազմակերպություն՝ «ԹԻՄՏԵՐՎԻՍ» ՍՊԸ



# ՄԵՐ ՍԿՋԲՈՒՆՔՆԵՐԸ

## ԱՆՎՏԱՆԳ ԵՎ ՄՐՑՈՒՄԱԿ ՊԵՏՈՒԹՅՈՒՆ.

ՀՀ-ն սեփական Հայրենիքում հայ ժողովրդի անվտանգությունը, զարգացումը և ինքնությունն ապահովելու բարձրագույն ձևն է:

## ԻՆՔՆԻՇԻՆԱՆՈՒԹՅՈՒՆ.

ոչ թե խոսք, այլ սեփական ճակատագիրը տնօրինելու կամք՝ ժամանակակից ուժեղ բանակով, մրցունակ տնտեսությամբ, համերաշխ և արարող հասարակությամբ:

## ԻՆՔՆՈՒԹՅԱՆ ԿՐԱ ՀԻՄՆԱԿԾ ԱԶԳԱՅԻՆ ՊԵՏՈՒԹՅՈՒՆ.

հայոց լեզուն և հայկական մշակույթը, ընտանիքն ու ավանդույթները, Հայ Առաքելական Սուրբ Եկեղեցին մեր գոյաբանական հիմքերն են: Մենք պետք է լինենք արդիական՝ պահպանելով մեր արմատները:

**ՀԱՄԵՐ ԱՇԽՈՒԹՅՈՒՆ.** ներագգային համերաշխության վերականգնմամբ ապահովել հասարակության զարգացումը:

**ԳԻՏԵԼԻՔ ԵՎ ԱՇԽԱՏԱՆՔ.** Հայաստանի գլխավոր ռեսուրսը մարդկային ներուժն է: Պետությունը պետք է կառավարեն արժանավորները: Բոլորի համար արժանապատիվ աշխատանքը, որակյալ կրթությունը ազգային առաջնահերթությունն են:

## ՀԱՄԱՀԱՅՎԱԿԱՆՈՒԹՅՈՒՆ.

Հայաստանը բոլոր հայերի պետությունն է, Սփյուռքը՝ պետականաշինության մասնակից և ռազմավարական ուժ:

## ՄԵՐ ՆՊԱՏԱԿՆ ԱՅՍ ՍԿՋԲՈՒՆՔՆԵՐՈՎ ԱՆՎՏԱՆԳ ԵՎ ՄՐՑՈՒՄԱԿ ՀԱՅԱՍՏԱՆ ՈՒՆԵՆԱԼՆ Է:

Մենք առաջարկում ենք.

# 1. ԱՆՎՏԱՆԳ ՀԱՅԱՍՏԱՆ

**Սկզբունք.** Մարտունակ բանակը մեր անվտանգության թիվ մեկ երաշխավորն է՝ երկրի պաշտպանունակությունն ապահովողը:

## ՀԱՅԵՏԱԿԱՐԳԱՅԻՆ ՈՒՂՈՒԹՅՈՒՄՆԵՐ.

Արդիականացնել երկրի անվտանգության համակարգը՝ ժամանակակից և

- համագործակցային պաշտպանական քաղաքականության կիրառմամբ, զարգացնելով ուժային և ոչ ուժային ռազմավարական զսպման կարողությունները:

Իրականացնել պաշտպանական ռազմավարական վերանայում: Ներկա անվտանգային

- միջավայրին համահունչ՝ մշակել Ազգային անվտանգության ռազմավարություն, Ռազմական դոկտրին և ՁՈՒ զարգացման հայեցակարգ:

## ՆՊԱՏԱԿԱԴՐՈՒՄՆԵՐ.

**Կառուցվածքային արդիականացում.** առկա անվտանգային մարտահրավերներին համապատասխանող, օպերատիվ վերակազմավորվող և արագ համալրվող ՁՈՒ, որն իր

- գործողություններում կրենվի հեռահար ճշգրիտ հարվածների, հետախուզական ու հարվածային անօդաչու համակարգերի և հատուկ նշանակության զորքերի համակցված ու զանգվածային կիրառման վրա:

**Գործող շարժունակ (մոբիլ) պաշտպանական մոդել,** որտեղ թիրախավորման ռիսկերը նվազեցված են, իսկ ստորաբաժանումների կենսունակությունը՝ բարձրացված՝ շնորհիվ մարտավարական ճկուն բաշխման և արագ ընդլայնվող հատուկ նշանակության ուժերի գերակայության:

**Սորազույն տեխնոլոգիաների լայնածավալ կիրառում.** Չինված ուժերի բոլոր զորամիավորումներում հետախուզական, հարվածային ԱԹՍ-ների, ռադիոէլեկտրոնային պայքարի հակադրոնային պաշտպանության միջոցների ձևավորված ստորաբաժանումներ:

«**Խելացի սահման**» **մոդել**՝ ապահովված սահմանագծի ամբողջական ինժեներական կահավորմամբ և տեխնոլոգիական վերահսկողության համակարգերով, որը կերաշխավորի սահմանների պաշտպանության բարձր հուսալիություն և մարդկային գործնով պայմանավորված ռիսկերի նվազեցում:

**Միասնական թվային հարթակ,** որն արհեստական բանականության կիրառմամբ՝ կապահովի հետախուզական տվյալների օպերատիվ մշակումը և դրանց փոխանցումը կրակային խոցման միջոցներին՝ ձևավորելով կառավարման մեկ միասնական ու արագագործ համակարգ:

**Ձևավորված ժամանակակից ռազմարդյունաբերական համալիր**՝ պետական լայնածավալ աջակցությամբ, որն ապահովում է արտադրանքի մեծ ծավալներ, արտահանման հնարավորություններ, մարտավարական ԱԹՍ-ների ամբողջական արտադրություն Հայաստանում և ընդլայնված ռազմատեխնիկական գործակցություն ու համատեղ ձեռնարկություններ միջազգային գործընկերների հետ:

**Զինվորական «Պատվո փաթեթ»**, որը կապահովի զինվորական ծառայության գրավչությունը՝ բազային բարձր աշխատավարձի, պրոֆեսիոնալիզմը երաշխավորող արդար ատեստացիոն համակարգի, ուսման և սոցիալական աջակցության լայն արտոնությունների, ինչպես նաև զինծառայողների ծնողների համար եկամտահարկի դրույքաչափի 10 տոկոսային կետով նվազեցման միջոցով:

**Պահեստազորի արդիականացում.** մարտունակ պահեստազոր և տարածքային պաշտպանության ուժեր: Վարժական հավաքների պարտադիր ռոտացիոն համակարգ, որը կապահովի պահեստազորայինների շարունակական վերապատրաստումը և տարածքային պաշտպանության ուժերի ներդաշնակումն ու համակողմանի ապահովումը:

**Պատասխանատվություն.** բանակից անօրինական խուսափած անձանց բարձրաստիճան պետական պաշտոններ զբաղեցնելու արգելք:

**Հարգանքի տուրք.** Հայրենիքի պաշտպանությանը մասնակցած անձանց դերը գնահատելուն և արժևորելուն ուղղված պետական քաղաքականության իրականացում: 44-օրյա պատերազմի, 2022 և 2023 թվականների ռազմական ագրեսիաների ժամանակ հերոսացած բոլոր նահատակների անվանացանկի պաշտոնական հրապարակում՝ սեղմ ժամկետում:

**Զինված ուժերը**՝ պետության նոր դեմքը, զինվորական ծառայության պայմանների բարելավում և հասարակության մեջ ՁՈՒ դերի բարձրացում: Զինվորականությունը պետք է լինի ազնվության, պատասխանատվության, հայրենանվեր ծառայության խորհրդանիշ: Եթե ուզում ենք, որ մարդիկ չվախենան բանակից, պետք է փոխենք ոչ միայն մարդկանց վերաբերմունքը, այլ բանակի իրականությունը:

## 2. ԱՐՏԱՔԻՆ ՔԱՂԱՔԱԿԱՆՈՒԹՅՈՒՆ

**Սկզբունք.** հայկական շահերի և պետության ռազմավարական նպատակների վրա հիմնված կոմպլեքսային դիվանագիտություն:

**Ռազմավարական գործընկերություն.** Ռուսաստանի հետ նոր որակի դաշնակցային հարաբերությունների ապահովում թե՛ երկկողմ ձևաչափում, թե՛ Եվրասիական տնտեսական միության ու ՀԱՊԿ շրջանակներում: Իրանի և Չինաստանի հետ ռազմավարական գործընկերության մակարդակի բարձրացում: Ուժային բոլոր կենտրոնների հետ փոխլրացնող արտաքին քաղաքականության վարում, ինչը կբացառի Հայաստանի հայտնվելը խոշոր տերությունների հակասությունների բախման կետում: Հայաստանի դիրքավորում՝ որպես հուսալի գործընկերոջ, որն ունակ է վարելու կանխատեսելի, վստահելի և փոխադարձ շահերը հարգող արտաքին քաղաքականություն:

**ԱՄՆ.** բազմակողմ և գործընկերային հարաբերությունների զարգացում՝ հիմնված փոխադարձ հարգանքի և ընդհանուր շահերի վրա:

**ԵՄ.** ԵՄ-ի հարաբերությունների խորացում՝ CEPA-ի ամբողջական իրագործման ճանապարհով: Հասնել ՀՀ քաղաքացիների համար վիզաների ազատականացման:

**BRICS անդամակցություն.** Հայաստանի ինտեգրում աշխարհի խոշորագույն տնտեսական շուկաներին:

**Արժանապատիվ կարգավորում.** հարաբերությունների կարգավորում Թուրքիայի հետ՝ առանց նախապայմանների: Տեղասպանության միջազգային ճանաչման գործընթացին սատարում:

**Հարաբերություններ Ադրբեջանի հետ.** Հայաստան-Ադրբեջան հարաբերությունների հիմնարար կարգավորումը և երկարատև խաղաղությունը հնարավոր են կողմերի օրինական իրավունքների հարգմամբ՝ համաձայնեցման ենթակա հարցերի լուծումներն ընդգրկող ամբողջական փաթեթի հիման վրա:

**Միջազգային գործունե երաշխիքներ.** խաղաղության հաստատմանն ուղղված բոլոր համաձայնությունները պետք է ամրագրված լինեն միջազգային գործունե և հստակ երաշխիքներով:

**Սահմանազծում և սահմանազատում.** Ադրբեջանի հետ սահմանազծման և սահմանազատման գործընթացը պետք է տեղի ունենա միջազգային իրավունքի տեսանկյունից անխոցելի իրավական հիմքերի և հիմնարար սկզբունքների հիման վրա:

**Տարածքային ամբողջականություն.** որպես բանակցային գործընթացի առաջնահերթություն՝ հարկավոր է դիտարկել ՀՀ ինքնիշխան տարածքից ադրբեջանական զորքերի դուրսբերումը:

**Տարածաշրջանային կապուղիներ.** նախաձեռնողական դիվանագիտությամբ հետամուտ լինել տարածաշրջանային հաղորդակցության ուղիների լիարժեք ապաշրջափակմանը՝ առաջնահերթություն համարելով Աբխազիայի տարածքով Վրաստանը և Ռուսաստանի Դաշնությունը կապող երկաթուղային հաղորդակցության վերականգնումը՝ այն դիտարկելով որպես Հայաստանի համար ամենաշահավետ և բարձր թողունակությամբ կապուղի:

## ԱՐՏԱՔԻՆ ՀԻՄՆԱԽՆԴԻՐ

**Սկզբունք.** լրության փոխարեն՝ իրավունքների պաշտպանություն:

**Արցախի ժողովրդի իրավունքներ.** հավաքական հայրենադարձության իրավունքի միջազգայնացում՝ հիմնված էթնիկ գտման հետևանքով բռնաճնշումների ենթարկված և բռնի տեղահանված ժողովրդի իրավունքների լիարժեք հարգման վրա: Արցախի ժողովրդի վերադարձի համար անվտանգ պայմանների ապահովումը ենթադրում է միջազգային նորմերով նախատեսված քաղաքացիական և քաղաքական իրավունքների երաշխավորում:

**Գերինների վերադարձ.** գործունե քայլեր Ադրբեջանում պահվող բոլոր հայերի, ներառյալ՝ Արցախի ռազմաքաղաքական ղեկավարության ազատ արձակման համար:

**Ժառանգության պահպանում.** միջազգային հարթակներում աշխատանք՝ Ադրբեջանի վերահսկողության տակ անցած հուշարձանների և հոգևոր-մշակութային ժառանգության պաշտպանության համար:

**Օժանդակության ծրագրեր.** Արցախի Հանրապետությունից բռնի տեղահանված հայրենակիցների քաղաքացիության հետ կապված հարցի լուծում, բնակարանային, սոցիալական և զբաղվածության ապահովման արդյունավետ ծրագրերի իրականացում:

## 3. ՏՆՏԵՍՈՒԹՅՈՒՆ

**Սկզբունք.** արդյունաբերական վերածնունդ, արտահանմանը միտված տնտեսություն:

**Մրցունակություն.** Հայաստանը տարածաշրջանում և աշխարհում դիրքավորել՝ որպես բարձրորակ ու մրցունակ արտադրանք ստեղծող երկիր: Մեր նպատակն է «Արտադրված է Հայաստանում» բրենդը դարձնել որակի և տեխնոլոգիական առաջընթացի հոմանիշ: Արդյունաբերությունը կազմելու է համախառն ներքին արդյունքի 25%-ը:

**Ավտոմատացված հարկային հաշվետվություն.** փոքր և միջին բիզնեսի համար ներդնել ավտոմատացված հարկային հաշվետվությունների համակարգ: Սա տնտեսվարողին հնարավորություն կտա ազատվել բարդ բյուրոկրատական քաջջուկից՝ սահմանափակվելով արդեն ձևավորված տվյալների առցանց հաստատմամբ և խնայելով ժամանակ ու ֆինանսական ռեսուրսներ:

**Արդյունաբերական վերածնունդ.** հարկային արտոնություններ պետության կողմից առաջնահերթություն սահմանված ոլորտներին: Արտահանման շուկաների լայն աշխարհագրական ցանցի ձևավորում:

**Տեխնոլոգիական թռիչք և նորարարական էկոհամակարգ.** ներդնել բարձր տեխնոլոգիական ստարտափներին և գիտահետազոտական նախագծերին պետական աջակցության թիրախային մեխանիզմներ՝ առաջնահերթ դիտարկելով ռազմարդյունաբերությունն ու արհեստական բանականությունը:

**ՓՄՁ հարկային բեռի թեթևացում.** իրականացնել փոքր և միջին ձեռնարկատիրության պաշտպանվածությանն ուղղված համալիր քաղաքականություն: Մերդնել փոքր բիզնեսի վճարած հարկերի ամբողջական հետվերադարձի, իսկ միջին բիզնեսի համար՝ ըստ տարածքային և ոլորտային առաջնահերթությունների տարբերակված հետվերադարձի գործունե մեխանիզմներ: Փոքր բիզնեսի մասնաբաժինը համախառն ներքին արդյունքում հասցնել 20%-ի:

**Աջակցություն ՓՄՁ-ներին.** ՓՄՁ Ջարգացման աջակցության մարմնի և պետական երաշխիքների ինստիտուտի վերականգնում՝ ֆինանսական հասանելիության ապահովման և արտահանման խթանման գործառույթներով:

# Վ.ԳՅՈՒՂ ԵՎ ԳՅՈՒՂԱՏՆԵՍՈՒԹՅՈՒՆ

## Վարկային և ներդրումային շուկայի կանոնակարգում.

ստեղծել պայմաններ, որ բանկերը, ներդրումային և կենսաթոշակային ֆոնդերը, վարկային կազմակերպությունները մեծացնեն իրական տնտեսության ֆինանսավորումը:

**Վարկային շուկայում արդար տոկոսադրույքերի սահմանում.** վերանայվելու են բանկերի և վարկային կազմակերպությունների գործունեության կարգավորումները՝ սահմանելով ըստ ոլորտների վարկերի շոշափելի ցածր տարեկան փաստացի տոկոսադրույքներ՝ հաշվի առնելով ոլորտային շահութաբերությունը: Ցածր և միջին ռիսկայնության վարկունակության բնութագրիչների (վարկառուների «Սև ցուցակների») վերանայում:

**Կայուն զբաղվածության աճ.** տարեկան 35,000-45,000 կայուն աշխատատեղերի ստեղծման միջոցով գործազրկության մակարդակի կրկնակի կրճատում:

**Գույքահարկի բեռի թեթևացում.** չեղարկել 2026 թ. համար նախատեսված գույքահարկի բարձրացումները և 2027-2028 թթ. ընթացքում 50 տոկոսով նվազեցնել գույքահարկը՝ բացառությամբ շքեղ գույքի:

**Պետական պարտքի կառավարման թափանցիկություն և աուդիտ.** իրականացնել վերջին տարիներին շուրջ 8 միլիարդ դոլարով ավելացած պետական պարտքի օգտագործման համապարփակ աուդիտ և պարտադիր հրապարակայնացնել արդյունքները:

**Բնապահպանական քաղաքականություն.** կյանքի կոչել «Բնապահպանական ներդրումներ՝ պետական պարտքի դիմաց» ծրագիրը:

**Ներդրումային ծրագրեր.** գործարկել բազմամակարդակ ներդրումային հիմնադրամ՝ խոշոր ենթակառուցվածքային ծրագրեր իրականացնելու նպատակով:

**Զբոսաշրջության թռիչքաձև աճ.** հինգ տարվա ընթացքում Հայաստան այցելող զբոսաշրջիկների թիվը հասցնել տարեկան 5 միլիոնի:

**Կանաչ տնտեսության նախաձեռնությունների խրախուսում:**

**Հայկական արտադրանքի առաջնահերթություն.** պարենային զամբյուղի ապրանք արտադրողների համար արտոնյալ պայմանների սահմանում: Խոշոր սուպերմարկետներում և առցանց մարկետփլեյսներում տեղական արտադրող ՓՄՁ-ների շահերի պաշտպանությանն ուղղված կանոնների ներդրում:

**Սերմունման փոխարինման արտոնյալ փաթեթ.** 0% շահութահարկ և ԱԱՀ-ից ազատում ռազմավարական ապրանքներ (դեղորայքի, կենցաղային քիմիայի, տեքստիլ արտադրության) արտադրողներին: Ռազմավարական նշանակություն և սոցիալական մեծ ազդեցություն ունեցող ճյուղերը, մասնավորապես՝ գյուղատնտեսությունը, գյուղատնտեսական ապրանքների վերամշակումը, տեքստիլ արդյունաբերությունը պետական սուբսիդիաների, մաքսատուրքերի և քվոտավորման միջոցով պաշտպանված են լինելու օտարերկրյա ոչ բարեխիղճ մրցակցությունից:

**Սկզբունք.** պետությունը՝ գյուղացու ռիսկերը նվազեցնող, կայուն եկամտի երաշխավոր:

**Գյուղի և հողի աշխատավորի պաշտպանություն.** պետական քաղաքականության հիմքում դնել գյուղացիական տնտեսությունների եկամտաբերության մեծացումը, պարենային անվտանգությունը և գյուղական կենսակերպի որակական բարելավումը:

**Մրցունակ գյուղատնտեսություն և ներքին շուկայի պաշտպանություն.** խրախուսել գյուղատնտեսական կոոպերացիաների և խոշոր տնտեսությունների ստեղծումը՝ պահպանելով հողատարածքների նկատմամբ գյուղացիական տնտեսությունների սեփականության իրավունքը: Խրախուսել բարձրարժեք գյուղատնտեսությունը՝ թե՛ բուսաբուծության և թե՛ անասնաբուծության բնագավառներում: Սպաստել բարձր ավելացված արժեք ապահովող գյուղապրանքների վերամշակման ոլորտի զարգացմանը, ինչպես նաև հայկական արտադրանքի գերակայությանը ներքին շուկայում:

**Սուբսիդավորում.** մինչև 15 միլիոն դրամի չափով նպատակային գյուղատնտեսական վարկերի տոկոսադրույքի ամբողջական սուբսիդավորում:

**Վերամշակող արդյունաբերության խթանում.** խրախուսել գյուղատնտեսական հումքի վերամշակմամբ զբաղվող ձեռնարկություններին՝ արտոնյալ և երկարաժամկետ վարկերի տրամադրման միջոցով:

**Գյուղացիական տնտեսությունների պաշտպանություն.** պետական գործուն աջակցությամբ նպաստել ագրոպահովագրության համակարգի կայացմանն ու ընդլայնմանը՝ բնական աղետներից (կարկուտ, երաշտ, ցրտահարություն) գյուղացիական տնտեսությունների պաշտպանվածությունն ապահովելու նպատակով:

**Երաշխավորված մթերոմների ճկուն համակարգ.** ներդնել գյուղատնտեսական մթերոմների գործուն և կանխատեսելի մեխանիզմներ: Իրականացնել մթերոլ ընկերություններին տրամադրվող վարկային միջոցների նպատակային սուբսիդավորում:

**Պարարտանյութերի, բուժանյութերի, սերմացուի և վառելիքի հասանելիություն.** ներդնել անհատ գյուղացիական տնտեսություններին որակյալ պարարտանյութերի, բուժանյութերի, սերմացուի և վառելիքի տրամադրման պետական աջակցության ծրագիր՝ շուկայականից զգալիորեն մատչելի գներով:

**Կարկտապաշտպան համակարգերի արդիականացում և ընդլայնում.** բնական աղետների հասցրած վնասները նվազագույնի հասցնելու նպատակով՝ հակակարկտային կայանների ցանցի կրկնակի խտացում հանրապետության բոլոր ռիսկային գոտիներում: Կարկտապաշտպան ցանցերի ձեռքբերման նպատակով վարկերի սուբսիդավորում:

**Պարենային ապահովության բարձրացում.** Հայաստանում անմշակ հողերի շարունակական նվազեցում տարեկան առնվազն 10%-ի չափով: Չմշակվող հողերի մշակման համար առաջին տարում ամեն հեկտարին 60,000 դրամ սուբսիդավորման տրամադրում:

**Գյուղացու աշխատանքի արժևորում.** օրենսդրական փոփոխությունների միջոցով ապահովել գյուղատնտեսական նշանակության հողերի սեփականատերերի և հողագործությունը որպես հիմնական զբաղմունք ընտրած քաղաքացիների գործունեության հաշվառումը որպես աշխատանքային ստաժ:

# 5.ՊԵՏԱԿԱՆ ԿԱՌԱՎԱՐՈՒՄ ԵՎ ԱՐԴԱՐԱԴՊԱՏՈՒԹՅՈՒՆ

**Սկզբունք.** Երկրում վերականգնել սահմանադրական կարգը, մերժել ուժի իրավունքը և հաստատել իրավունքի գերակայությունը:

**Զսպույններ և հակակշիռներ.** վերաբաշխել գործադիր իշխանության անսահմանափակ լիազորությունները: Խորհրդարանական համակարգի պահպանմամբ՝ նախագահի ուղղակի, համաժողովրդական ընտրություն: Գլխավոր դատախազի, ԲԴԽ, ՍԴ, ԿԸԿ՝ անդամների և մարդու իրավունքների պաշտպանի ընտրություն՝ ընդդիմադիր ձայների պարտադիր մասնակցությամբ: Քննչական և ինքնավար պետական մարմինների, ինչպես նաև դատախազության իրական անկախությունը երաշխավորող օրենսդրության ընդունում:

**Համայնքներում տեղական ինքնակառավարման ուժեղացում.** առերևույթ քաղաքական դրդապատճառներով իրականացված համայնքների խոշորացումների վերանայում: Համայնքների բյուջեների մեծացման խրախուսում և բազմակենտրոն տարաբնակեցման ծրագրի գործադրում:

**Քաղաքացիական ծառայության համակարգի վերականգնում.** օրենսդրորեն ամրապնդել քաղաքացիական ծառայողի պաշտպանվածությունն անհիմն ազատումներից, ներդնել վարձատրության և սոցիալական երաշխիքների արդար համակարգ, ձևավորել հանրային կառավարման համակարգի համահայկական կադրային բանկ, ապահովել պետական կառավարման կայունությունն ու արդյունավետությունը:

**Մերիտոկրատիա.** քաղաքական հավատարմությունը փոխարինել պրոֆեսիոնալիզմով: Բազային աշխատավարձի բարձրացում և պարզալծարների համակարգի արմատական վերանայում:

**Թվային Հայաստան.** ներդնել յուրաքանչյուր քաղաքացու համար հասանելի «Անձնական թվային կաբինետ», որը կծառայի որպես մեկ միասնական պատուհան պետական և հանրային բոլոր ծառայություններից օգտվելու համար: Սա հնարավորություն կտա մեկ հպումով դիմել բուհեր, ամրագրել բժշկական այցելություններ, կառավարել հարկային և կոմունալ պարտավորությունները, ստանալ տեղեկանքներ, հետևել պետական մարմինների հետ հաղորդակցությանը՝ բացառելով բյուրոկրատական քաջքուկները՝ ապահովելով տվյալների բացարձակ թափանցիկություն և պաշտպանվածություն:

**Պայքար արտոնությունների դեմ.** «պաղավատապետության» վերացում, Կոնդի և Սևանի կառավարական ամառանոցների վերածում վերականգնողական կենտրոնների:

**Ինստիտուցիոնալ վերականգնում.** Գյուղատնտեսության և Մշակույթի նախարարությունների վերականգնում: ԱԳՄ-ի վերակազմակերպում՝ Արտաքին գործերի և Սփյուռքի նախարարության:

**Հանրային համերաշխություն և արդարության վերականգնում.** նախաձեռնել վարչական և քրեական պատասխանատվության լայնածավալ համաձայնում: Իրականացնել քաղաքական դրդապատճառներով ապօրինի հետապնդումների ենթարկված անձանց իրավունքների լիարժեք վերականգնում և կրած վնասների արդարացի փոխհատուցում:

**Պատասխանատվություն.** պաշտոնյայի կողմից սուտ տեղեկատվության տարածման քրեականացում:

**Եկեղեցու պաշտպանություն.** Հայաստանյաց Առաքելական Սուրբ Եկեղեցու և նրա սպասավորների դեմ բոլոր տեսակի ապօրինի քաղաքական հետապնդումների դադարեցում: Եկեղեցապատկան շինությունների և գույքի վերադարձ Հայ Առաքելական Սուրբ Եկեղեցուն:

**Քաղաքացիական հասարակության կայացում.** խրախուսել ազգային ու պետական շահերով առաջնորդվող, իրական ժողովրդավարական արժեքներ պատկանող քաղաքացիական հասարակության ձևավորումը՝ որպես ցանկացած իշխանության հանրային վերահսկողության ինստիտուտ:

**Համատարած հայտարարագրման պարտադրանքի չեղարկում.** վերանայել եկամուտների համատարած հայտարարագրման գործող համակարգը՝ չեղարկելով բոլոր քաղաքացիների համար սահմանված պարտադիր պահանջը:

**Ազգային փոքրամասնությունների իրավունքների պաշտպանություն և ինքնության պահպանում.** երաշխավորել Հայաստանում բնակվող ազգային փոքրամասնությունների լիարժեք մասնակցությունը երկրի քաղաքական, տնտեսական և մշակութային կյանքին: Պետական աջակցության միջոցով ապահովել նրանց լեզվական, կրթական և դավանաբանական ինքնության անխաթար պահպանումն ու զարգացումը:

# 6.ՍՈՑԻԱԼԱԿԱՆ ՊԵՏՈՒԹՅՈՒՆ ԵՎ ԱՌՈՂՋԱՊԱՅՈՒԹՅՈՒՆ

**Սվազագույն աշխատավարձի և կենսապահովման զամբյուղի համադրում.** բարձրացնել նվազագույն ամսական աշխատավարձի շեմը՝ օրենսդրորեն սահմանելով, որ այն չի կարող պակաս լինել նվազագույն սպառողական զամբյուղի փաստացի արժեքից:

**Կենսաթոշակների շեշտակի բարձրացում.** ապահովել բազային կենսաթոշակի 50 տոկոս աճ, ներդնել կենսաթոշակների պարտադիր տարեկան ինդեքսավորման իրավական մեխանիզմ:

**Համահարթ եկամտային հարկի վերանայում՝** միջին աշխատավարձից ցածր ստացողների համար սահմանելով պարենային զամբյուղի չափով աշխատավարձի չհարկվող շեմ:

**Հոգածություն միայնակ թոշակառուների հանդեպ.** ձևառային ամիսներին (դեկտեմբեր-մարտ) սոցիալապես անապահով միայնակ թոշակառուների գազի և էլեկտրաէներգիայի ծախսերի 100% փոխհատուցում պետության կողմից:

**Աջակցություն նորաստեղծ ընտանիքներին.** երիտասարդ ընտանիքներին (մինչև 35 տարեկան) եկամտահարկի հետվերադարձի մեխանիզմի վերականգնում՝ անշարժ գույք ձեռք բերելու համար:

**«Աճող ընտանիքի» մոդել.** ներդնել եկամտահարկի նվազեցման աստիճանական համակարգ՝ սկսած երկրորդ երեխայից: Ընտանիքում յուրաքանչյուր հաջորդ երեխայի ծնունդով ծնողների եկամտահարկի դրույքաչափը կնվազեցվի ևս 3 տոկոսային կետով (օրինակ՝ 2 երեխայի դեպքում՝ -3 տոկոս, 3 երեխայի դեպքում՝ -6 տոկոս, 4 երեխայի դեպքում՝ -9 տոկոս, և այդպես շարունակ): Արտոնությունը կգործի՝ մինչև երեխաների չափահաս դառնալը և կկիրառվի այն ընտանիքների համար, որոնց համախառն եկամուտը չի գերազանցում ընտանիքի մեկ անդամի հաշվով միջին ամսական աշխատավարձի չափը:

**Աջակցություն բազմազավակ ընտանիքներին.** գնահատված կարիքի հիման՝ վրա բազմազավակ ընտանիքներին համալիր աջակցության պետական ծրագրի իրականացում (սոցիալական, զբաղվածության, կրթության, առողջապահական, բնակարանային ապահովման պետական նպատակային աջակցություն):

**Վոգածություն միայնակ մայրերին.** սոցիալական երաշխիքների և աջակցության լայն փաթեթ. ներդնել միայնակ մայրերի սոցիալական պաշտպանության հասցեական համակարգ:

**Առանձին խմբերի աշխատանքային ստաժի իրավական ամրագրում.** օրենսդրական փոփոխությունների միջոցով հարկային դաշտում գործող և ինքնազբաղված տաքսի ծառայության վարորդների (այդ թվում՝ առցանց) գործունեությունը հաշվառել որպես աշխատանքային ստաժ:

**Կոռուպցիայի դեմ պայքար.** ապօրինի գույքի բռնագանձման օրենսդրության համապատասխանեցում ՍԴ որոշումներին և միջազգային լավագույն փորձին: Բարձրաստիճան հանրային պաշտոնյաների շահերի հայտարարագրման համակարգի կատարելագործում:

**Շահերի բախման բացառում.** պետական բարձրաստիճան պաշտոնյաների, նրանց ընտանիքների անդամների կողմից «բարեգործական» հիմնադրամներ հիմնելու հնարավորության բացառում:

**Էլեկտրաէներգիայի և կոմունալ այլ ծախսերի սակագնի նվազեցում.** էլեկտրաէներգիայի սակագնային քաղաքականության վերանայում՝ նպատակաուղղված սակագների իջեցմանը:

**Սերառականություն.** հարկային թիրախավորված և համաչափ արտոնություններ, զբաղվածության պետական համալիր աջակցություն, ինչպես նաև հաշմանդամություն ունեցող անձանց համար աշխատատեղերի ապահովման քվտային համակարգի ներդրում:

**ԱՌՈՂՋԱՊԸՆՈՒԹՅԱՆ ՎՄՄԱԿԱՐԳԻ ԹՎԱՅԻՆ ՏՐԱՆՍՖՈՐՄԱՑԻԱ**  
**Էլեկտրոնային դեղատոմս և ապահովագրություն.** առողջապահության համընդհանուր ապահովագրության զարգացում՝ ընդլայնելով թվայնացման միջավայրը, հիվանդության կանխարգելման հնարավորությունները, հիվանդությունների ցանկը, հերթերի, դեղերի գների անհիմն բարձրացման բացառում:

**Բուժաշխատողների արժանապատիվ վարձատրություն.** բժշկական անձնակազմի բազային աշխատավարձերի շեշտակի բարձրացում և վարձատրության արդար համակարգի կիրարկում:

**Որակյալ բժշկություն.** մարզերում ժամանակակից բժշկական կենտրոնների հիմնում՝ որակյալ բուժօգնության հասանելիության ապահովմամբ բոլոր քաղաքացիների համար, դեղերի շուկայի կարգավորում՝ առաջատար երկրներում գրանցված դեղամիջոցների ավտոմատ լիցենզավորման մեխանիզմի գործարկմամբ:

## 7. ԵՆԹԱԿԱՌՈՒՅՎԱԾ ՔՆԵՐ ԵՎ ԷՆԵՐԳԵՏԻԿԱ

**Սկզբունք.** Վայաստանը՝ տարածաշրջանային տարանցիկ հանգույց:  
**Ինքնիշխան կապուղիներ.** ՎՎ տարածքով անցնող բոլոր ենթակառուցվածքները մնալու են ՎՎ ինքնիշխանության ներքո:

**Տարածաշրջանային կապուղիների ապաշրջափակում.** հասնել փոխադարձության սկզբունքի լիարժեք պահպանմանը և իրական ապաշրջափակմանը: Սա ենթադրում է, որ տարածաշրջանային հաղորդակցության ուղիների գործարկման դեպքում Վայաստանի և Ադրբեջանի տարածքով անցնող ճանապարհների նկատմամբ պետք է կիրառվի նույնական ռեժիմ:

**Տրանսպորտային ցանց.** Դիլիջան-Վանաձոր երկաթուղու կառուցում և միասնական տրանսպորտային համակարգի ձևավորում:

**Ատոմակայանի կառուցում.** Սկսել նոր, ժամանակակից ատոմային էլեկտրակայանի կառուցման ծրագրի իրագործումը՝ կիրառելով բացառապես փորձարկված և անվտանգության ամենաբարձր չափանիշներին համապատասխանող տեխնոլոգիաներ:

**Ջրային ռազմավարություն.** լայնածավալ ջրամբարաշինություն, ոռոգման ցանցի վերականգնում և ոռոգման ջրի մատչելի սակագնի սահմանում: Սևանի էկոհամակարգի պահպանություն. կենսոլորտային համալիրի ձևավորում՝ որպես բնապահպանական և տնտեսական կլաստեր:

## 8. ԿՐԹՈՒԹՅՈՒՆ, ԳԻՏՈՒԹՅՈՒՆ ԵՎ ՄՇԱԿՈՒՅԹ

**Սկզբունք.** գիտելիքահենք հասարակություն և ստեղծարար ներուժ:

**Կրթական և մշակութային վերածնունդ.** որդեգրել ոլորտների պահպանման ու պաշտպանության համապարփակ ռազմավարություն: Ներդնել կառավարման ժամանակակից համակարգեր և ֆինանսավորման նոր մոդելներ:

**Ազգային հենքով որակյալ կրթություն.** հանրակրթության պետական չափորոշիչների արմատական վերանայում. սահմանել «Վայոց լեզու», «Գրականություն» և «Վայոց պատմություն» առարկաների նոր չափորոշիչներ: Ներդնել գիտականորեն հիմնավորված, ազգային արժեքների վրա խարսխված և ժամանակակից մեթոդաբանությամբ մշակված նոր դասագրքեր:

**Մանկավարժի և գիտնականի արժևորում ու «Վստահության քվե».** կտրուկ բարձրացնել ուսուցիչների և պրոֆեսորադասախոսական կազմի աշխատավարձերը: Ներդնել «վստահության քվե»-ի սկզբունքը. 15 տարի և ավելի մասնագիտական ստաժ ունեցող մանկավարժների համար սահմանել **ավտոմատ ատեստավորման կարգ:**

**Մատչելի և նպատակային բարձրագույն կրթություն.** անցում կատարել պետական բուհերում անվճար բարձրագույն կրթության համակարգի:

**Դպրոցների պահպանում սահմանամերձ համայնքներում.** բացառել սահմանամերձ համայնքների զարգացման և անվտանգության հենասյուն կրթական օջախների փակումը:

**Նախադպրոցական կրթության համընդհանուր հասանելիություն և անվճար համակարգ.** ներդնել նախադպրոցական կրթության լիարժեք անվճար մոդել՝ ապահովելով առնվազն 90% ընդգրկվածություն և հասանելիություն բոլոր համայնքներում:

**Կրթական հաստատությունների ապաքաղաքականացում.** օրենսդրորեն արգելել բուհերի, հանրակրթական դպրոցների և նախադպրոցական հաստատությունների դեկավար կազմի անդամակցությունը որևէ քաղաքական կուսակցության:

**Օրենսդրական փոփոխություններ.** չեղարկել «Բարձրագույն կրթության և գիտության մասին» ՀՀ օրենքը, բուհերի խոշորացման ներկա գործընթացը, վերանայել Ակադեմիական քաղաքի նպատակահարմարությունը:

**Բուհական ծրագրերի արդիականացում.** իրականացնել բարձրագույն կրթական ծրագրերի բովանդակային վերանայում՝ դրանք համապատասխանեցնելով Հայաստանի անվտանգային նոր մարտահրավերներին և տնտեսության զարգացման առաջնահերթություններին: Սերոնել կրթություն-աշխատաշուկա փոխգործակցության ճկուն մեխանիզմներ:

**Գիտությունների ազգային ակադեմիայի (ԳԱԱ) արդիականացում և կարգավիճակի ամրապնդում.** սահմանել ԳԱԱ-ի նոր՝ պետական ռազմավարական նշանակության կարգավիճակ, որը կբխի երկրի զարգացման ու անվտանգության նոր առաջնահերթություններից:

**Գիտության առաջնահիվ զարգացում և SS ոլորտ.** Գիտությունը դիտարկել որպես պետական անվտանգության և տնտեսական աճի հիմնասյուն: Սերոնել պետական ֆուտուր աջակցության ծրագրեր բնագիտական ոլորտներում հետազոտությունների և կրթական որակի բարձրացման ուղղությամբ: Խթանել գիտություն-տնտեսություն կապը՝ ստեղծելով տեխնոլոգիական հաբեր և լաբորատորիաներ, որոնք կծառայեն թե՛ ռազմարդյունաբերությանը, թե՛ բարձր տեխնոլոգիական արդյունաբերությանը: Տարեկան բյուջեում գիտությանը տրամադրվող միջոցները հասնել ՀԱԱ 1,5%-ի:

**Հայագիտության հզորացում.** Հայագիտությունը հայտարարել պետական առաջնահերթություն: Ապահովել հայագիտական կենտրոնների արդիականացումը, հայոց լեզվի, պատմության և մշակույթի խորքային հետազոտությունների միջազգայնացումը՝ որպես ազգային ինքնության պահպանման երաշխիք: Պետական լեզվաքաղաքականության հնգամյա ռազմավարության որդեգրում, որը կներառի նաև արևմտահայերենի պաշտպանության, զարգացման և կենսունակության ապահովման հատուկ ծրագրեր:

**Մշակույթի ինստիտուցիոնալ զարգացում.** որդեգրել մշակույթի զարգացման հնգամյա ծրագրեր՝ ապահովելով ոլորտի կայուն և ինստիտուցիոնալ հիմքերը: Օրենսդրական երաշխիքներ սահմանել՝ ստեղծագործողների լիարժեք ինքնադրսևորման և իրացման հավասար պայմանների ու հնարավորությունների համար:

**Ստեղծագործական միությունների պաշտպանություն.** Ստեղծագործական միությունների սեփականության իրավունքի անձեռնմխելիության երաշխավորում, առկա բոլոր դատական հայցերի կասեցում և միությունների գործունեությանն ուղղված պետական աջակցության լայնածավալ ծրագրերի ներդրում:

**Մշակույթի մշակների արժևորում.** Գրադարանային և թանգարանային համակարգի աշխատակիցների աշխատավարձերի շեշտակի բարձրացում:

**Երիտասարդական պետական քաղաքականություն.** ներդնել նոր ռազմավարություն, որը միաված կլինի երիտասարդի քաղաքացիական գիտակցության ձևավորմանը: Ստեղծել երաշխավորված պայմաններ նրանց սոցիալական, տնտեսական և հոգևոր-մշակութային լիարժեք ինքնաիրացման համար:

**«Թատրոնի մասին» օրենքի ընդունում.** թատրոնների գործունեության իրավական դաշտի կարգավորում (դուրս բերում ՊՈԱԿ-ի կարգավիճակից), դոտացիոն և սուբսիդավորման համակարգերի լիարժեք վերականգնում ու պետական պատվերի ծավալների ավելացում:

**Թատերական գործիչների աշխատավարձերի բարձրացում և մարզային զարթոնք.** աշխատակիցների աշխատավարձերի շեշտակի բարձրացում, պատվավոր կոչումների վերականգնում և մարզային թատրոնների ակտիվացման համապարփակ ծրագրի մեկնարկ:

**Գրահրատարակչության ազատում ԱԱՀ-ից.** նվազեցնել մանկական, ուսումնական և գիտական գրականության շուկայական գինը՝ ԱԱՀ-ից ամբողջությամբ ազատման միջոցով կամ հետվերադարձով:

**Պատմամշակութային ժառանգության պաշտպանություն.** մշակել և իրագործել հստակ պետական քաղաքականություն Հայաստանում ու Հայաստանից դուրս հայկական պատմամշակութային ժառանգության պաշտպանության ուղղությամբ:

**Սպորտի զարգացումը առաջնահերթություն.** պետությունը ստանձնում է սպորտի և ֆիզիկական մշակույթի համակողմանի զարգացման հանձնառությունը՝ ներդնելով «Առողջ անհատ, հզոր պետություն» ռազմավարությունը:

## 9. ՀԱՄԱՐԱՅԿԱԿԱՆՈՒԹՅՈՒՆ (ՍՓՅՈՒՔ)

**Սկզբունք.** «Մեկ ազգ, մեկ ճակատագիր, մեկ պատասխանատվություն»:  
Հայաստանը պետք է դառնա անվտանգ տուն բոլոր հայերի համար:  
Հայաստան-Սփյուռք հայկական աշխարհը պետք է դիտարկել որպես ազգային անվտանգության և առաջընթացի գործիք:

**Հայաստան-Սփյուռք ռազմավարական գործակցություն.** վերականգնել և որակական նոր մակարդակի բարձրացնել ինստիտուցիոնալ կապերը Սփյուռքի հետ: Նպաստել Սփյուռքի լոբբիստական կարողությունների հզորացմանը:

Ստեղծել համահայկական կարողականության և ցանցային հնարավորությունների օգտագործման արդյունավետ մեխանիզմներ՝ ապահովելով Սփյուռքի առավելագույն մասնակցությունը պետական տարբեր նախագծերում և ծրագրերում:

Ձևավորել Հայաստան-Սփյուռք գիտական, տեղեկատվական և կրթամշակութային, տնտեսական միասնական տարածք:

**Հայրենադարձության «Կանաչ ուղի».** զրնդունել «Հայրենադարձության մասին» օրենք: Ստեղծել «Հայրենադարձության մեկ պատուհան» կենտրոն, որը կապահովի իրավական աջակցություն և կնպաստի Հայաստան հայրենադարձությանը:

**«Հայաստան» համահայկական հիմնադրամ.** վերականգնել հիմնադրամի նկատմամբ վստահությունը՝ ներդնելով թափանցիկության և հաշվետվողականության միջազգային խիստ ստանդարտներ: Հիմնադրամի միջոցներն ուղղել սոցիալական խնդիրների լուծմանը և սահմանամերձ բնակավայրերի զարգացմանը:

**«Համահայկական օժանդակություն ծնելիությանը».** ներդնել աշխարհասփյուռ հայության ներուժով սնվող սոցիալական աջակցության փուլային համակարգ՝ առջնահերթ թիրախավորելով սակավաբնակ բնակավայրերը:

# 10. ԵՐԵՎԱՆ

**Սկզբունք.** Երևանը՝ բոլորի համար: **Ճանապարհաշինական հեղափոխություն.** խցանումների զգալի կրճատման նպատակով 8 նոր խոշոր հանգույցների և նոր ճանապարհների կառուցում: 30 տոկոսով ավելի քիչ խցանումներ, տարեկան նվազագույնը 250 ժամ խնայված ժամանակ ընտանիքի համար:

**Կայանատեղիների արդիականացում.** կառուցել բազմամակարդակ՝ վերգետնյա և ստորգետնյա ավտոկայանատեղիներ՝ բեռնաթափելով փողոցները և ստեղծելով քաղաքակիրթ կայանման հնարավորություն:

«ԱՐԺԱՆԱՊԱՏԻՎ ՏՐԱՆՍՊՈՐՏ». **ՄԵԳԱՆԱԽԱԳԾԵՐ և ԿԱՆԱԶ ԷՍԵՐԳԻԱ ՏՐԱՆՍՊՈՐՏԱՅԻՆ ՀԵՂԱՓՈՒՄՆԵՐ.** լրացնել Երևանի տրանսպորտային ցանցի պակասող շուրջ 500 շարժակազմը՝ ներդնելով ժամանակակից էլեկտրական ավտոբուսներ: Սա հնարավորություն կտա ապահովելու քաղաքի ամբողջական ծածկույթը, արդիականացնելու 600 կանգառների կահավորումը և անցում կատարելու էկոլոգիապես մաքուր, արդյունավետ ու անխափան հանրային տրանսպորտի:

**100 դրամ սակագին տրանսպորտի համար.** վերականգնել հանրային տրանսպորտի սակագինը՝ **վերադառնալով 100 դրամին:** Սակագնի նվազեցումը կիրականացվի տրանսպորտային համակարգում ստվերային շրջանառության վերացման և ժամանակակից էլեկտրական ավտոբուսների ներդրման շնորհիվ:

**Տրանսպորտային հոսքերի «խելացի» կառավարում.** ներդնել ինքնակառավարվող (ադապտիվ) լուսացույցների միասնական ցանց, որը արհեստական բանականության և սենսորների միջոցով՝ իրական ժամանակում կկարգավորի երթուևերությունը՝ հաշվի առնելով մեքենաների փաստացի քանակը և բացառելով արհեստական խցանումները:

**Մետրոյի ցանցի արդիականացում և ընդլայնում.** մետրոյի նոր կայարանների կառուցում դեպի Աջափնյակ և Դավթաշեն, ցանցի ընդլայնում դեպի Մալաթիա-Սեբաստիա՝ ստեղծելով արագընթաց տրանսպորտային կապ մայրաքաղաքի հեռավոր վարչական շրջանների և «Զվարթնոց» միջազգային օդանավակայանի միջև:

«Կարմիր գծերի» **վերանայում.** «Կարմիր գծերի» ապօրինի թանկացման չեղարկում, քաղաքացուց ապօրինի գանձված գումարի վերադարձ:

«ԱՆՎՏԱՆԳ ՕԴ» **Օդի որակի խիստ վերահսկողություն.** ներդնել օդի որակի մոնիթորինգի օբյեկտիվ համակարգ՝ սարքավորումների տեղադրմամբ քաղաքի բոլոր ռիսկային գոտիներում:

**Թափոնների կառավարում.** իրականացնել Սուբարաշենի աղբավայրի կոնսերվացում՝ զուգահեռաբար կառուցելով միջազգային ստանդարտներին համապատասխան նոր աղբավայր և աղբի վերամշակման գործարան:

**Վերահսկողություն և կանաչապատում.** սահմանել խիստ վերահսկողություն քաղաքին հարակից բաց հանքավայրերի նկատմամբ կամ փակել դրանք, ներդնել շինհրապարակների կառավարման «գրոյական փոշի» ստանդարտը, շեշտակի:

**Հրազդանի կիրճը՝ քաղաքի թոքեր.** կիրճի հայտարարում՝ որպես «Պետական պահպանության փակ գոտի» և դրա վերածում քաղաքային հանգստի գրասրահ:

**Զրահեռացման և կոյուղու ռեֆորմ.** իրականացնել լայնածավալ ներդրումներ՝ կոյուղատարների մաքրման և նորոգման գործում:

Օրենսդրորեն կարգավորել «Վեոլիա քրի» պարտավորությունները՝ վերացնելով համակարգային բացերը և քաղաքի հեղեղումների խնդիրը:

**Կառուցապատման կանոնակարգում և միջավայրի պահպանում.** ներդնել կառուցապատման նոր չափորոշիչներ, որոնք կապահովեն շինարարության և քաղաքային ենթակառուցվածքների (ճանապարհներ, ջրագծեր, կայանատեղիներ) համաչափ զարգացումը: Ապահովել, որ յուրաքանչյուր նոր նախագիծ ներառի անհրաժեշտ կանաչապատ տարածքներ և սոցիալական նշանակության հարմարություններ:

**Աղբահանության վճարման համակարգի վերականգնում.** վերանայել աղբահանության վճարների հաշվարկման կարգը՝ անցում կատարելով անշարժ գույքի մակերեսից կախված վճարից ըստ ընտանիքում անձերի թվի հաշվարկվող համակարգի:

**Որակյալ և երկարակյաց ճանապարհաշինություն.** անցում սեզոնային «կարկատանների» արատավոր պրակտիկայից դեպի միջազգային ստանդարտներին համապատասխանող հիմնանորոգում: Ներդնել շինարարության որակի վերահսկման և երաշխիքային սպասարկման խիստ մեխանիզմներ՝ բացառելով հանրային միջոցների ամենամյա փոշիացումը:

## 11. ՊԱՅՔԱՐ ԽԱՂԱՄՈԼՈՒԹՅԱՆ ԵՎ ԹՄՐԱՄՈԼՈՒԹՅԱՆ ԴԵՄ

**Սկզբունք.** գրո հանդուրժողականություն: **ՊԱՅՔԱՐ ԹՄՐԱՄՈԼՈՒԹՅԱՆ ԴԵՄ** **Պատժի անխուսափելիություն և խստացում.** թմրամիջոցների իրացման (վաճառքի) համար սահմանել քրեական պատասխանատվության առավելագույն պատժաչափեր՝ առանց վաղաժամկետ ազատման իրավունքի:

**Թվային հանցավորության դեմ պայքար.** թիրախավորել թմրամիջոցների վաճառքի առցանց հարթակները: Ստեղծել հատուկ կիբերստորաբաժանումներ՝ առցանց հարթակներում կազմակերպիչներին և համակարգողներին բացահայտելու, պատասխանատվության ենթարկելու համար:

**Կանխարգելում կրթության միջոցով.** դպրոցներում ներդնել «Առողջ ապրելակերպ» պարտադիր ծրագիր:

**Պետական վերականգնողական կենտրոններ.** ստեղծել ժամանակակից անվճար վերականգնողական կենտրոններ, որոնցում կախվածություն ունեցող քաղաքացիները կստանան հոգեբանական և բժշկական օգնություն:

**ՊԱՅՔԱՐ ԽԱՂԱՄՈԼՈՒԹՅԱՆ ԴԵՄ** **Գովազդի լիակատար արգելք.** արգելել բոլոր տեսակի խաղային և բուքմեյքերական ընկերությունների գովազդը հեռուստատեսությամբ, ռադիոյով, փողոցային վաճառականների վրա և առցանց տիրույթում:

**Ֆինանսական վերահսկողություն.** սահմանել խաղադրույքների առավելագույն շեմեր: Սահմանափակել վարկային միջոցներով և կրեդիտային քարտերով խաղադրույքների կատարումը:

**Հարկային բեռի ավելացում.** բարձրացնել խաղային բիզնեսի հարկային դրույքաչափերը, իսկ գոյացած հավելյալ միջոցներն ուղղել սպորտի զարգացմանը և կախվածություն ունեցողների վերականգնմանը:

**№17**

# ՀԱՅԱՍՏԱՆ

Դ Ա Շ Ի Ն Ք



**«Մենք զենք խոստանում չունենք:  
Մենք խոստանում ենք աշխատանք,  
Կարգավարչություն եվ արդյունք».**

**ՌՈՒԲԵՐՏ ՔՈՉԱՐՅԱՆ**